

唐

音

統

籤

唐音乙籤目錄

海鹽胡震亨遯叟編

乙籤初唐人集詩凡一百七家共七十九卷

乙籤一虞世南

詩三十首

統籤之卷八

二褚亮

詩十首

統籤之卷九

三陳叔達

詩七首

統籤之卷十

四竇威

詩一首

五魏徵

詩四首

六楊師道

詩二十一首

統籤之卷十一

七李百藥

詩二十一首

統籤之卷十二

八岑文本詩四首

統籤之卷十三

九杜正倫詩二首

十顏師古詩一首

十一令狐德棻詩一首

十二劉洎詩一首

十三馬周詩二首

十四于志寧詩一首

十五沈叔安詩一首

十六杜之松詩一首

十七楊續詩一首

八十孔紹安

詩七首

統籤之卷十四

九十袁朗

詩四首

十一庾抱

詩五首

十二劉孝孫

詩七首

十三陳子良

詩十首

統籤之卷十五

十四蕭德言

詩一首

十五蔡允恭

詩一首

十六謝偃

詩四首

十七鄭世翼

詩五首

十八崔信明

詩二首

二十凌敬詩四首

二十褚遂詩一首

統籤之卷十六

三十來濟詩一首

三十李義府詩八首

三十許敬宗詩二十首

統籤之卷十七

三十上官儀詩二十首

統籤之卷十八

四十李敬立詩二首

統籤之卷十九

五十薛元超詩一首

六十張文琮詩六首

七十董思恭詩十首

八王 績詩五十首

統籤之卷二十

九王 勔詩一首

四王 勃之一詩十首

統籤之卷二十一

王 勃之二詩三首

統籤之卷二十二

王 勃之三詩四首

統籤之卷二十三

一楊 炯之一詩十首

統籤之卷二十四

楊 炯之二詩十首

統籤之卷二十五

二四 盧照鄰之一詩十首

統籤之卷二十六

盧照鄰之二詩三十首

統籤之卷二十七

盧照鄰之三詩四十首

統籤之卷二十八

四十
三 駱賓王之二 詩八首

統籤之卷二十九

駱賓王之二 詩四十首

統籤之卷三十

駱賓王之三 詩十首

統籤之卷三十一

駱賓王之四 詩二十首

統籤之卷三十二

駱賓王之五 詩二十首

統籤之卷三十三

四十
四 劉禕之 詩五首

統籤之卷三十四

四十
五 郭正一 詩一首

四十
六 元萬頃 詩四首

四十
七 員半千 詩二首

四十
八 杜易簡 詩二首

四
九 劉允濟 詩四首

五
十 李懷遠 詩一首

五
十一 韋承慶 詩七首

五
十二 張柬之 詩五首

五
十三 魏知古 詩五首

五
十四 蘇味道 詩一首

統籤之卷三十五

五
十五 崔融 詩一首

統籤之卷三十六

五
十六 喬知之 詩一首

統籤之卷三十七

五
十七 喬侃 詩一首

五
十八 喬備 詩一首

王無競詩五

統籤之卷三十八

王適詩五

薛曜詩五

薛稷詩十

富嘉謨詩一
統籤之卷三十九

吳少微詩六

陳子昂之一詩三十
統籤之卷四十一

陳子昂之二詩二十
統籤之卷四十二

陳子昂之三詩二十
統籤之卷四十三

陳子昂之四詩二十
統籤之卷四十四

六李杜審言詩四十四首

統籤之卷四十四

七李劉希夷詩三十五首

統籤之卷四十五

八李嶠之一詩十首

統籤之卷四十六

李嶠之二詩三十首

統籤之卷四十七

李嶠之三詩五十首

統籤之卷四十八

李嶠之四詩六十首

統籤之卷四十九

李嶠之五詩三十首

統籤之卷五十

九李沈佺期之一詩三十一首

統籤之卷五十一

沈佺期之二詩六十首

統籤之卷五十二

沈佺期之三詩二十五首

統籤之卷五十三

沈佺期之四

詩四十首

統籤之卷五十四

宋之問之一

詩三十首

統籤之卷五十五

宋之問之二

詩三十首

統籤之卷五十六

宋之問之三

詩五十首

統籤之卷五十七

宋之問之四

詩五十首

統籤之卷五十八

李

又

詩四十首

統籤之卷五十九

崔

湜

詩三十首

統籤之卷六十

崔

液

詩十首

李

適

詩十首

統籤之卷六十一

鄭

愔

詩二十首

統籤之卷六十二

六李郭元良詩一首

統籤之卷六十三

七李閻朝隱詩一首

八李徐彥伯詩一首

統籤之卷六十四

九李劉憲詩一首

統籤之卷六十五

李盧藏用詩一首

統籤之卷六十六

李蘇環詩一首

二李徐堅詩一首

三李張說之一詩一首

統籤之卷六十七

張說之二詩一首

統籤之卷六十八

張說之三詩一首

統籤之卷六十九

張 說之四 詩五 統籤之卷七十

張 說之五 詩五 統籤之卷七十一

張 說之六 詩六 統籤之卷七十二

四蘇 頌之一 詩四 統籤之卷七十三

蘇 頌之二 詩五 統籤之卷七十四

五任希古 詩四 統籤之卷七十五

六元希聲 詩八

七賈 曾 詩四

八閻丘均 詩一

九李 邕 詩四

乙籤一

唐音統籤卷八

虞世南字伯施餘姚人文章婉孌祖徐陵陳代官
西陽王友隋官秘書郎入唐爲秦府叅軍弘文館
學士累遷秘書監賜爵永興縣子謚文懿太宗稱
其德行忠直博學文詞書翰爲五絕集三十卷

宋志

上今編詩一卷

從軍行

塗山烽候驚弭節度龍城冀馬樓蘭將燕犀上谷
兵劍寒花不落弓曉月逾明凜凜嚴霜節永壯黃
河絕蔽日卷征蓬浮天散飛雪全兵值月滿精騎

乘膠折結髮早驅馳辛苦事旌麾馬凍重關冷輪
摧九折危獨有西山將年年屬數奇

結客少年場行

韓魏多奇節倜儻遺聲利共矜然諾心各負縱橫
志一作結交一言重相期千里至綠沈明月弦金

絡浮雲轡吹簫入吳市擊筑遊燕肆尋源博望侯
結客遠相求少年懷一顧長驅背隴頭酸酸戈霜
動耿耿劍虹浮天山冬夏雪交河南北流風起龍
沙暗木落鴈門秋輕生狗知已非是爲身謀

門有車馬客

陳尊重交結田蚡擅豪華曲臺臨上路高軒抵狹
斜赭汗千金馬繡軸五香車白鶴隨飛蓋朱鷺入
鳴笳夏蓮開劍水春桃發綬花輕裙染回雪浮蟻
泛流霞高談辯飛兔摛藻握靈虵逢恩出毛羽失
路委泥沙矍矍風煙晚路長歸騎遠日斜青瑣第
塵飛金谷苑危絃促柱奏巴渝遺箏墮珥解羅襦
如何守直道翻使谷名愚

奉和獻歲讌宮臣

履端初起節長苑命高筵肆夏喧金奏重潤響朱
絃春光催柳色日彩泛槐烟微臣同濫吹謬得仰

釣天

奉和出穎至淮應令

良晨喜利涉解纜入淮潯寒流泛鷁首霜吹響琴
吟潛鱗波裏躍水鳥浪前沈邗溝非復遠張望愴
宸襟

侍宴應詔賦韻得前字

芬芳禁林晚容與桂舟前橫空一鳥度照水百花
然綠野明斜日青山澹晚烟濫陪終宴賞握管類
窺天

徐獻忠云三四天
然秀穎不煩滾前

侍宴歸鴈堂

歌堂面

一作連

渌水舞館接金塘竹開霜後翠梅動

雪前香鳧歸初命侶鴈起欲分行刷羽同棲集懷

恩愧稻梁

發管逢雨應詔

一作魏知古詩非

豫遊欣勝地皇澤乃先天
油雲陰御道膏雨潤公
田隴麥霑逾翠山花濕
更然稼穡良所重方復悅

豐年

奉和詠日午

高天淨秋色長漢轉曦車
玉樹陰初正桐圭影未
斜翠蓋飛圓彩明鏡發
輕花再中良表瑞共仰壁

暉餘

賦得臨池竹應制

葱翠梢雲質垂彩映清池
波泛含風影流搖防露
枝龍鱗漾鱗谷鳳翅拂漣漪
欲識凌冬性惟有歲寒知

中婦織流黃

寒閨織素錦含怨歛雙蛾
綜新交縷澁經脆斷絲
多衣香逐舉袖劔動應鳴梭
還恐裁縫罷無信達交河

凌晨早朝

萬瓦宵光曙重簷夕霧收玉花停夜燭金壺送曉
籌日暉青瑣殿霞生結綺樓重門應啓路通籍引
王侯

奉和月夜觀星應令

早秋炎景暮初弦月彩新清風滌暑氣零露淨
塵蕩霧銷輕縠鮮雲卷夕鱗休光灼前耀瑞彩接
重輪緣情摛聖藻並作命徐陳宿草誠渝濫吹噓
偶縉紳天文豈易述徒知仰北辰

奉和至壽春應令

英華作奉和
長春宮應令

瑤山盛風樂南皮務逸遊如何事巡撫民瘼諒斯

求文鶴揚輕蓋蒼龍飾桂舟汎沫縈沙嶼寒澌擁
急流路指八仙館途經百尺樓春言昔遊踐廻駕
且淹留後車喧鳳吹前旌映綵旒龍驂駐六馬飛
閣上三休調諧金石奏歡洽羽觴浮天文徒可仰
何以麗琳球

追從鑿輿夕頓戲下應令

寶輪依紫極前耀奉丹霄天經戀宸扆帝命扈仙
謁星開鶴禁帶月下虹橋銀書含曉色金輅轉
晨飈霧徹軒營近塵暗羊城遙蓮花分秀萼竹箭
下驚潮撫已慙龍翰承恩集鳳條瑤山盛風樂抽

簡薦徒謠

奉和幸江都應詔

藝文類聚作
虞世基誤

南國行周化稽山祕夏圖百王豈殊軌千載協前
諷肆覲遵時豫順動悅來蘇安流進王軸

一作
畫網戒

道翼金吾龍旂煥辰象鳳吹溢川塗封唐昔敷錫
分陝被荆吳沐道咸知讓慕義久成都冬律初飛
管陽鳥正啣蘆嚴飈肅林薄曉景澹江湖鴻私浹
幽遠厚澤潤凋枯虞琴起歌詠漢筑動巴歛多幸
霑行葦無庸類散樗

奉和幽山雨後應令

肅城隣上苑黃山邇桂宮
雨歇連峰翠煙開竟野
通排虛翔戲鳥跨水落長虹
日下林全暗雲收嶺
半空山泉鳴石澗地籟響巖風

從軍行

烽火發金微連營出武威
孤城塞雲起絕陣虜塵
飛俠客吸龍劍惡少縵胡衣
朝摩骨都壘夜解谷
蠡圍蕭關遠無極蒲海廣難依
沙磴離旌斷晴川
候馬歸交河梁已畢燕山旆欲揮
方知萬里相侯服見光輝

怨歌行

紫殿秋風冷雕甍落

一作白

日沉裁統悽斷曲織素

別離心掖庭羞改畫長門不惜金寵移恩稍薄情
疎恨轉深香銷翠羽帳絃斷鳳凰琴鏡前紅粉歇
階上綠苔侵誰言掩歌扇翻作白頭吟

擬飲馬長城窟

馳馬渡河干流深馬渡難前逢錦車使都護在樓
蘭輕騎猶銜勒疑兵尚解鞍温池下絕澗棧道接
危巒拓地勲未賞亡城律詎寬有月關猶暗經春
隴尚寒雲昏無復影永合不聞滌懷君不可遇聊
持報一餐

飛來雙白鶴

飛來雙白鶴，奮翼遠凌煙。俱棲集紫蓋，一舉背青田。
颺景過伊洛，流聲入管絃。鳴羣倒景外，刷羽閭風前。
映海疑浮雪，拂澗瀉飛泉。燕雀寧知去，鸞鶴不識還。
何言別儔侶，從此間山川。顧步已相失，徘徊各自憐。
危心猶警露，哀響詎聞天。無因振六翮，輕舉復隨仙。

出塞

上將三畧遠，元戎九命尊。緬懷古人節，思酬明主恩。
山西多勇氣，塞北有遊魂。揚桴一作上隴坂，勒

騎下平原誓將絕沙漠悠然去玉門輕齋不遑舍
驚笳驚戎軒凜凜邊風急蕭蕭征馬煩雪暗天山
道水寒交河源霧鋒黯無色霜旗凍不翻耿介倚
長劍日落風塵昏

賦得吳都

畫野通淮泗星躔應斗牛玉牒宏圖表黃旗美氣
浮三分開霸業萬里宅神州高臺臨茂苑飛閣跨
澄流江濤如素葢海氣似朱樓吳趨自有樂還似
鏡中遊

賦得慎罰

帝圖光往冊上德表鴻名道冠二儀始風高三代
英樂和知化洽訟息表刑清罰輕猶在念勿喜尚
留情明慎全無枉哀矜在好生五疵過亦察二辟
理彌精幪巾示廉恥嘉石務詳平每削繁苛性常
深惻隱誠政寬思濟猛疑罪必從輕于張懲不濫
陳郭憲無傾刑措諒斯在慨然仰頌聲

奉和詠風應魏王教

逐舞飄輕袖傳歌共繞梁動枝生亂影吹花送遠
香

初晴應教

初日明燕館新溜滿梁池歸雲半入嶺殘滴尚懸
枝

春夜

春苑月徘徊竹堂侵夜開驚鳥排林度風花隔水
來

詠舞

繁絃奏淥水長袖轉回鸞一雙俱應節還似鏡中
看

秋鴈

一作褚亮詩

日暮霜風急羽翻轉難任爲有傳書意聯翩入上

林

詠螢

的歷流光小飄飄弱翅輕恐畏無人識獨向晴中明

蟬

垂綏飲清露流響出疎桐居高聲自遠非是藉秋風

應詔嘲司花女

隋遺錄曰煬帝幸江都洛陽人獻合帶迎筆花帝令御車

女袁寶兒持之號司花女時詔世南草勅于帝側寶兒注視久之帝曰昔飛燕可掌上舞今得寶兒步階前事然多愁態今注目于卿卿可便嘲之世南為絕句曰

學畫鴉黃半未成
垂肩彈袖太慙生
緣慙却得君王惜
長把花枝傍輦行

乙籤二

唐音統籤卷九

褚亮字希明錢塘人博覽工屬文在陳爲徐陵江
總諸辭人所獎官至尚書殿中侍郎隋爲東宮學
士太宗以爲秦府文學諷議多所裨益預十八學
士之選後拜通直散騎常侍封陽翟縣侯卒謚康
集二十卷宋志今存詩十一篇亮所撰郊廟
樂章見辛籤

臨高臺

高臺暫俯臨飛翼聳輕音浮光隨日度漾影逐波
深迴瞰周平野開懷暢遠襟獨此三休上還傷千
里心

賦得蜀都

列宿光參井分土跨梁岷沈犀對江浦駟馬入城
闔英圖多霸跡歷選有名臣連騎簪纓滿宮堂
賦新得上仙槎路無待訪嚴遵

奉和詠日午

曦車日亭午浮箭未移暉日光無落照樹影正中
園草萎看稍靡葉燥望疑稀晝寢懸經笥暫解入
朝衣

奉和望月應魏王教

層軒澄皎月流照滿中天色共梁珠遠光隨趙壁

圓落影臨秋扇虛輸入夜弦所欣東館裏頽奉西園篇

詠花燭

蘭逕香風滿梅梁暖日斜言是東方騎來尋南陌
車靨星臨夜燭眉月隱輕紗莫言春稍晚自有鎮
開花

在隴頭哭潘博士

本傳云亮在隋與博士潘徽坐楊玄感有舊同謫行

至隴山徽遇病終亮親加棺歛瘞之路側慨然傷懷題詩於隴樹好事者傳寫諷誦

信宿過於京邑焉

隴底嗟長別流襟一慟君何言幽咽所更作死生

唐詩集卷之七
分轉蓬飛不息悲松斷更聞誰能駐征馬回首皇
孤墳

奉和禁苑餞別應令

大藩初錫瑞出牧邇皇京暫以綠車重言承朱邸
榮舒桃臨遠騎垂柳映軍營惠化宣千里威風動
百城禁籞芳嘉節神襟餞送情金莖催別景玉瑄
切離聲野花開更落山鳥哢還驚微臣夙多幸薄
宦奉儲明釣臺慙作賦伊水濫聞笙懷德良知久
酬恩識命輕

和御史韋大夫喜霽之作

晴天度旅鴈斜影照殘虹野淨餘烟盡山開一作明
遠色同沙平寒水落葉脆晚枝空白簡光朝憶彤
騶出禁中息駕遊蘭坂雕文折桂叢無因輕羽扇
徒自仰仁風

晚別樂記室彥

窮途屬歲晚臨水忽分悲抱影同爲客傷情共此
時霧色侵虛牖霜氛冷薄帷舉袂慘將別停杯悵
不怡風嚴征鴈遠雪暗去篷遲他鄉有岐路遊子
欲何之

傷始平李少府正已

勞息本相循悲歡理自均誰能免玄夜惜爾正青
春邁德惟家寶生才諒國珍高文綴翡翠茂學掩
麒麟述作紛無已言談妙入神斷腸雖累月分手
未盈旬輔嗣俄長往顏生卽短辰聲華滿昭代形
影委窮塵禪草迴中使生芻引弔賓同遊祕府日
方駕直城園並拜黃圖右分曹清渭濱風期稽呂
好存歿范張親虛座一作懷麟王述遺篇慟景純精
靈與毫翰千祀壽何人

秋鴈

一作虞世南

日暮霜風急羽翮轉難任爲有傳書意翩翩入上

林

句

神羊旣不觸夕鳥欲依人

贈杜侍御詩式

出塞曲

匈奴屢不平漢將欲縱橫看雲方結陣却月始連營
潛軍度馬邑揚旆掩龍城會勒燕然石方傳車
驕名

元籤五

魏徵字玄成鉅鹿人初事隱太子太子敗太宗引
用之歷諫議大夫祕書監參預朝政尋拜侍中尚
書進封鄭國公以疾辭職拜特進仍知門下省事
徵有經國才性抗直知無不言太宗嘗以古名臣
稱之校輯祕省羣書及撰齊梁陳周隋諸史序論

多出其手卒謚文貞集二十卷

宋志

今存詩四篇

賦西漢

本傳云太宗幸洛陽燕羣臣積翠池酒酣命各賦一事徵賦西漢卒云終

藉叔孫禮方知

皇帝尊帝曰徵言未嘗不約我以禮

紀事云徵相太宗致太平天下既治懼帝喜

武功故云云

受降臨軼道爭長趣鴻門驅傳渭橋上觀兵細柳
屯夜宴經栢谷朝遊出杜原終藉叔孫禮方知皇
帝尊

暮秋言懷

一作宋之問詩誤

首夏別京輔杪秋滯三河沈沈蓬萊閣日夕鄉思
多霜剪涼堦蕙風捎幽渚荷歲芳坐淪歇感此式

徵歌

述懷

題一作出關

中原初逐鹿，投筆事戎軒。
縱橫計不就，慷慨志猶存。
杖策謁天子，驅馬出關門。
請纓繫南粵，憑軾下東藩。
鬱紆陟高岫，出沒望平原。
古木鳴寒鳥，空山啼夜猿。
旣傷千里日，還驚九逝魂。
豈不憚艱險，深懷國士恩。
季布無二諾，侯嬴重一言。
人生感意氣，功名誰復論。

奉和正日臨朝應詔

百靈侍軒后，萬國會塗山。
豈如今睿哲，邁古獨光

前聲教溢四海朝宗引百川
鏘洋鳴玉珮灼燦耀
金蟬淑景輝雕輦高旌揚翠煙庭實超王會廣樂
盛鈞天旣欣東日戶復詠南風篇願奉光華慶從
斯萬億年

乙籤六

唐音純籤卷十一

楊師道字景猷隋宗室清警有才思入唐尚桂陽
公主封安德郡公貞觀中拜侍中攝中書令終太
常卿家有園池好引英俊爲文會善篇什兼工草
隸酬賞之際懸筆直書如宿榻太宗嘗覽而嘉歎
焉集十卷宋志今編詩一卷

隴頭水

隴頭秋月明隴水帶關城笳添離別曲風送斷腸
聲映雪峰猶暗乘水馬屢驚霧中寒鴈至沙上轉
蓬輕天山傳羽檄漢地急徵兵陣開都護道劍聚

伏波營於茲覺無渡方共濯胡纓

侍宴賦得起坐彈鳴琴

北林鵲夜飛南軒月馭進調弦發清徵蕩心祛褊
恹變作離鴻聲還人思歸引長歎未終極秋風飄
素鬢

中書寓直詠雨簡褚起居上官學士

雲暗蒼龍闕沈沈殊未開噫噓鳳凰沼颯颯雨聲
來電影入飛閣風威凌吹臺長簷響奔溜清簟蕭
浮埃早荷葉稍沒新篁枝半摧茲晨悵多緒懷友
自難裁况復重城內日暮獨徘徊玉階良史筆金

馬揆天才高，覺通散騎複道。駕蓬萊，思君贈桃李。
於此冀瓊瓌。

詠琴

久擅龍門質，孤竦嶧陽名。齊娥初發弄，趙女正調聲。
嘉客勿遽反，繁弦曲未成。

詠笙

短長插鳳翼，洪細摹鸞音。能令楚妃歎，復使荆王吟。
切切孤竹管，來應雲和琴。

闕題

見玉臺後集

漢家伊洛九重城，御路浮橋萬里平。桂戶雕牕連

綺翼虹梁繡柱映丹楹朝光欲動千門曙麗日初
照百花明燕趙蛾眉舊傾國楚宮腰細本傳名二
月桑津期結伴三春淇水逐關情蘭叢有意飛雙
蝶柳葉無趣隱啼鶯扇裏細粧將夜並風前獨舞
共花榮鬢髮百萬誰論價一笑千金判是輕不爲
披圖來侍寢非因主第奉身迎羊車詎畏青門閉
兔月今宵照後庭

初秋夜坐應詔

玉瑄涼初應金壺夜漸闌滄池流稍潔仙掌露方
溥鴈聲風處斷樹影月中寒爽氣長空淨高吟覺

思寬

賦終南山用風字韻應詔

眷言懷隱逸輟駕踐幽叢白雲飛夏雨碧嶺冠春
虹草綠長楊路花疎五柞宮登臨日將晚蘭桂起
香風

詠飲馬應詔

清晨控龍馬弄影出花林躑躅依春澗聯翩度碧
澗苔流染練絡水潔寫雕簪一作一御瑤池駕詠
憶長城陰

初宵看婚

洛城花燭動威里畫新蛾隱扇羞應慣含情愁已
多輕啼濕紅粉微睇轉橫波更笑巫山曲空傳暮
雨過

應詔詠巢鳥

桂樹春暉滿巢鳥刷羽儀朝飛麗城上夜宿碧林
陲背風藏密葉向日逐疎枝仰德還能哺依仁逐
可窺驚鳴雕輦側王吉自相知

奉和夏日晚景應詔

輦路夾垂楊離宮通建章日落橫峯影雲歸起夕
涼雕軒動流吹羽蓋息迴晤雉草生還綠殘花落

尚香青巖類姑射碧澗似汾陽幸屬無爲日歡娛
方未央

奉和聖製春日望海

春山臨渤海征旅輟晨裝迴瞰盧龍塞斜瞻肅慎
鄉洪波迴地軸孤嶼映雲光落日驚濤上浮天駭
浪長仙臺隱螭駕水府汎鼉梁碣石朝煙滅之杲
歸鴈翔北巡非漢后東皇舉旌羽林客版
距少年場電擊驅遺水鵬飛出帶方將舉青丘獻
安訪白霓裳

春朝閒步

休沐乘閒豫清景步北林池塘藉芳草蘭芷襲幽
衿霧中分曉日花裏弄春禽野逕香恒滿山階筍
屢侵何須命輕葢桃李自成陰

還山宅

暮春還舊嶺徙倚翫年華芳草無行逕空山正落
花垂藤掃幽石臥柳礙浮槎鳥散茅簷靜雲披澗
戶斜依然北泉路猶是昔煙霞

詠馬

寶馬權奇出未央雕鞍照曜紫金裝春草初生馳
上苑秋風欲動戲長楊鳴珂屢度章臺側細蹠經

向濯龍傍徒令漢將連年去宛城今已獻名一作明

王
奉和正日臨朝應詔

皇猷被寰宇端宸屬元辰九重麗天邑千門臨上
春

詠舞

二八如同雪三春類早花分行向燭轉一種逐風
斜

奉和詠弓

霜重麟膠勁風高月影圓鳥飛隨帝輦鴈落逐鳴

弦

詠硯

圓池類壁水輕翰染煙華將軍欲定遠見棄不應
餘

句

絲傳園客意曲奏楚妃情罕有知音者空勞流水

聲

琴

藝文類聚

乙籤七

唐音統籤卷十二

李百藥字重規定州人七歲解屬文號神童隋朝襲父德林爵爲東宮學士太宗重其名以爲中書舍人歷太子左庶子宗正卿封安平縣子藻思沈鬱尤長五言詩爲山池文酒談賞好獎引後進天下宗仰焉集三十卷

宋志

今編詩一卷

本傳百藥嘗和太宗

帝京篇太宗歎其工曰卿何年之老而才之壯齒之宿而意之新乎今詩失傳

晚渡江津

寂寂江山晚蒼蒼原野暮秋氣懷易悲長波淼難
泝索索風葉下離離早鴻度丘壑列夕陰葭菼凝

寒霧日落亭臯遠，獨此懷歸暮。

登葉縣故城謁沈諸梁廟

總轡臨秋原，登城望寒日。煙霞共掩映，林野俱蕭瑟。楚塞鬱不窮，吳山高漸出。客行殊未已，沐淥期終吉。椒桂奠芳樽，風雲下虛室。館宇肅而靜，神心康且逸。伊我非真龍，勿驚疲朽質。

郢城懷古

客心悲暮序，登墉瞰平陸。林澤窅芊綿，山川鬱重複。王公資設險，名都拒江隩。方城次北門，溟海窮南服。長策控吳豕，雄圖競周鹿。萬乘重沮漳，九鼎

輕伊穀大蒐雲夢掩壯觀章華築人世更盛衰吉
凶良倚伏遽見鄰交斷仍覩賢臣逐南風忽不競
西師日侵感運圯屬驅馳時屯恣敲朴莫救夷陵
火無復秦庭哭鄢郢遂丘墟風塵俄慘黷狐兔時
遊踐霜露日霑沐釣渚故池平神臺層宇覆陣雲
埋夏首窮陰慘荒谷悵矣舟壑遷悲哉年祀倏雖
異三春望終傷千里日

妾薄命

團扇秋風起長門夜月明羞聞拊背入恨說舞腰
輕太常先已醉劉君恒帶醒橫陳每虛設吉夢竟

何成

火鳳詞二首

歌聲扇後出粧影鏡中輕未能令掩笑何處欲障
聲知音自不惑得念是分明莫見雙嚙歛疑人含
笑情

佳人靚晚粧清唱動蘭房影出

一作人

含風扇聲飛

照日梁嬌嚙眉際歛逸韻口中香自有橫陳分應

憐秋夜長

此首一作謝
偃新曲甚

奉和正日臨朝應詔

化曆昭唐典承天順夏正百靈警朝禁

軒鑾作三辰

揚旆旌克庭富禮樂高譙齒簪纓獻壽符萬歲移
風韻九成

奉和初春出遊應令

鳴笳出望苑飛蓋下芝田水光浮落照霞彩淡輕
煙柳色迎三月梅花隔二年日斜歸騎動餘興滿
山川

雨後

晚來風景麗晴初物色華薄雲向空盡輕虹逐望
斜後牕臨岸竹前階枕浦沙寂寥無與晤樽酒論
風花

獻贈潘徐城門迎兩新婦

秦晉稱舊匹潘徐有世親
三星宿已會四德婉而
嬪雲光鬢裏薄月影扇中
新年華與妝面共作一
芳春

寄楊公

公子盛西京光華早著名
分庭接遊士虛館待時
英高閣浮香出長廊寶釧
鳴面花無隔笑歌扇不
障聲

送別

眷言一杯酒悽愴起離憂
夜花飄露氣暗水急還

流鴈行遙上月蟲聲迴映秋
明日河梁上誰與論
仙舟

文德皇后挽歌

裴徊兩儀煖悵望九成臺
玉輦終辭宴瑤筐遂不
開野曠陰風積川長思鳥來
寒山寂已暮虞殯有
餘哀

賦禮記

玉帛資王會郊丘叶聖情
重典開環堵至道軼金
籩盤薄依厚地遙裔騰太
清方悅升中禮足以慰
餘生

少年行

少年飛翠蓋上路勒

一作動

金鑣始酌文君酒新吹

弄玉簫少年不歡樂何以盡芳朝千金笑裏面一

擲掌

一作抱

中腰挂纓豈憚宿落珥

一作不勝嬌寄

語少年子無辭歸路遙

少年不歡樂二句文苑英華作少年子歡樂盡今朝

後寄語少年子亦無寄語二字兩處皆三字爲句此篇蓋長短句也今姑從樂府文粹作五言

安德山池宴集

安德楊師道封號

朝宰論思暇高宴臨方塘雲飛鳳臺管風動令君

香細草開金埒流霞泛羽觴虹橋分水態鏡石引

菱光上才同振藻小伎謬連章懷音自蘭室徐步

返山莊

秋晚登古城

日落征途遠，悵然臨古城。
積墉寒雀集，荒堞晚鳥驚。
蕭森灌木上，迢迢孤煙生。
霞景煥餘照，露氣澄晚清。
秋風轉搖落，此志安可平。

和侍郎遊昆明池

神池望不極，滄波接遠天。
儀星似河漢，落景類虞泉。
年深平館宇，道泰偃戈船。
差池下鳧鴈，掩映生雲烟。
浪花開已合，風文直且連。
稅馬金堤外，橫舟石岸前。
羽觴傾綠蟻，飛日落紅鮮。
積水浮深智，明

珠曜雅篇大鯨方遠擊沈灰獨未然知君瀟瀟恨
短翮徒聯翮

王師渡漢水經襄陽

導漾疏源遠歸海會流長延波接荆楚道望邇瀨
漳高岸沈碑影曲激麗珠光雲昏翠鳥沒水廣素
濤揚閩川已多歎遐睇幾增傷臨谿猶駐馬望峴
欲沾裳喬木下寒葉亭林落曉霜山公不可遇誰
與訪高陽

途中述懷

伯喈遷塞北亭伯之遼東伊余何爲客獨守雲臺

中途遙已日暮時
泰道斯窮拔心悲
岸草半死落巖洞
目送衡陽鴈情傷
江上楓福兮良所
伏今也信難通
丈夫自有志寧傷
官不公

渡漢江

東流既瀾瀾南紀
信滔滔水激沈碑
岸波駭弄珠臯
舍星映淺石浮蓋
下奔濤溜瀾霞光
近川長曉氣高
檣鳥轉輕翼戲鳥
落風毛客心既多
緒長歌且代勞

謁漢高廟

纂堯靈命啓滅楚
閏餘終飛名膺帝
錄沈迹韞神

功瑞氣朝浮，錫祥符夜告。豐抑揚，駕人傑，叱咤掩
時雄。締構三靈，改經綸五緯，同干戈革宇內。聲教
盡寰中。運謝年逾遠，魂歸道未窮。樹碑留故邑，抗
殿表祠宮。沐蘭祈泗上，一作上祀謁帝動深衷。英威肅
如在，文物胥成，空竹皮聚寒。徑枌社，落霜叢，蕭索
陰雲晚。長川起大風。

賦得魏都

炎運精華歇，清都寶命開。帝里三方盛，王庭萬國
來。玄武疏遙墜，金鳳上層臺。乍進仙童藥，時傾避
暑盃。南館招奇士，西園引上才。還借劉公幹，疲病

清漳隈

春眺

疲痾荷拙患淪躓令幽襟栖息在何處丘中鳴素
琴

詠蟬

清心自飲露哀響乍吟風未上華冠側先驚翳葉
中

詠螢火示情人

牕裏憐燈暗堦前畏月明不辭逢露濕祇爲重宵
行

句

今日持團扇非是爲秋風

班去趙姬升詩式